

مجموعہ ابوالضیا

ماسوا غائبہ سندن دلی تطہیرہ چالش
پرتو حکمت و عرفان ایہ تصویرہ آتش

علوم و معارف دین بحث ایدرہ و ہر ماہ ہر بی ابتدائیکہ اون ہشتندہ نشر اولور مجموعہ فنون ہدیرہ

نومرو ۱۷ - جلد ۲ [فی ۱۵ جمادی الاول سنہ ۱۲۹۸] نسخہ سی ۳ فروش

ایصیدیلش خالص اسپیرطو ایله تطهریری اقتضا ایدر. او حالده سیم شریذ لطافت اصلیه سنی پیدا ایلر .

باغیه جلا و برمک اصولی :

جلاسی ضایع اولمش بر باغیه جلا و برمک ایچون (طریولی) دنیلان طوپراقدن بر مقدار شی آلتوب، زیتون یاغیه باغهنک اوزرینه سورملیدر . بعده یا بر فانه لا و یا (لاسدیق) پارچه سیله دلك اولنه رق، جلا و بریلور؛ ونهایت ال ایله بو جلا اکیال ایدیلور.

غایت بیاض و تمیز طونقال (آستیق آسید) یعنی اجزاجیلارک قولاندقاری خالص و کسکین سرکه ایله حل اولندقدن حاصل اولان ترکیب آتاج و نخته مصنوعاتی یا شدیرمق ایچون اک صلابتلی بر معجوندر .

طونجه ملایمت و برمک :

فرانسه کیمیا کرلندن موسیو (دو رومیز) طوج دنیلان معدن مخلوطی باقر و یا دمیرکی عموشاتمق ایچون بر بول بولمشدر :
طوج معدنی اریلدیکی ائشاده یوزده بردن ایکی به قدر جیوه علاوه اولندیغی حالده تأثیر کیمیویدن زیاده بالفعل تأثیر ایلدیکی ثابت اولمشدر :
جیوه بی ایسه طونجک مر کباتندن برینه و مثلاً باقر ایله قلائی مذاب حالده ایکن خلط اتمک و یا خود جیوه بی اوجه قلائی ایله قارشیدروب، حل ایلدکدن صکره اریمش باقره قاتق اقتضا ایدیلور .

طباعتك فرانسده انتشاری

فن طبعتک موجدی غونترغک تاریخ وفاتی اولان ۱۴۶۸ سنه میلادیه سندن صکره عمله طبعتک اوروپانک اکثر ممالکنه طاغلدیغی کبی اون

برنجی لوئیک تصویبی اوزرینه (صوربون) راهبرندن (ژان دولایتر)
غوتبرغک مسقط رأسی و طباعتک مهد ظهوری اولان آلمانیاده کان
(مایانس) شهرندن پارسه اوچ نفر مرتب کتیره رک، بونلری صوربون
مکتبده برداره مخصوصهده اقامه ایش ایدی.

بو اوچ مرتبک الک اول ترتیب ایتدیکی کتاب اون بشنجی عصر
اوانلنده ظهور و اشتهار ایدن (پراغم) ک نالیفات ادیه سی اولوب،
آندن صکره سائر برطاقم آثارک دخی ترتیب و تمثیلنه موفق اولمشدر.
بونلر رفاقتنه وریلان ازباب شبایدن برچوق شا کرد یتشدر -
دکلرندن آرده دن برقاج سنه مرورنده یالکز پارسده ۴۰ باب مطبعه کشاد
اولمش و برقاج عصرده وجوده کلوب، اشترا و استفاده سی اکابر ناسه
خاص اولان بیکرله کتب منوعه برقاج سنه ظرفنده صفحه ترتیب
و تمثیلده جلوه کر اولمشدر.

(روآن) و (لیون) و (لانغر) و (ابویل) و (طولوز) و
(آنوهر) و (آنکولم) و (بورژ) و (پرونس) و (نانسی) کی
بیوک شهرلرده دخی متعدد مطبعه لر تأسیس ایدلشد.

کتاب یازمقله متعیش اولان و «کل خطاط جاهل» سرینه ماصدق
دوشان ناسخین، مطبعه جیلره اظهار خصومتله علیه لرنده - اوزمان -
پارلمان دیلان مجلسه شکایتنامه اعضا ایشلر ایدی. پارلمان هیئت دخی
جهل و تعصبده اوزمان خلقیه هم رتبه بولندیغندن، مطبعه جیلری
(ساحر) عدا یلر ایدی. بناء علیه شکایتنامه مذکور هیئت مجبوته نک
ذهابنه موافق کورنمکله درحال مطبعه جیلر توقیف و کتب مطبوعه
مصادره ایتدیلدی. فقط فرانسه تختنده جالس اولان اون برنجی لوئی
رقی معارفک واسطه مستقلمه سی اولان بو صنعت جلیله نک الک برنجی طر -
فنداری و حامی ذی اقتداری اولدیغندن، جریان ایدن وقعه مسموعی اولدیغنی
آنده پارلمانک قرارینی فسخ ابله مطبعه جیارک مع التلطیف سبیلنی تخلیه
و کتابرینی اعاده ایتدیرمشدر. حتی او کونه قدر یالکز ایکی نوع حروف

مصوغه موجود اولسندن مشار الیه مخصوص بر (دو کم خانه) یابدیره رق،
حروفک تکثیر انواعی ایچون برچوق نقود احسان الیشدر.
مخدومی و خلای اولان سکرنجی شارل دخی پدیری کبی اصحاب
طباعتی تحت حایه سنه آلهرق، فن طبعک ترقیسنی موجب اوله جق برچوق
تشویقاتده بوانمش و حتی فرانسه دارالمعارفی دائره سنده اووقته کوره
فوق الغایه مکمل بر مطبعه تأسیس یله برابر برده کتب ممثله یه مخصوص انبار
بنا ایتدیرمشدر.

اون ایکنجی لوی سرایسنده بر مطبعه یابدیره رق، بالذات مرتبک
تحصیل ایتش و اکثر اوقاتده مطبعه سنده بولنه رق، پک چوق زمان اوکله
طعامنده شریک صنعتی اولان مرتباری سفره سنه قبول ایله آنلرله برلکده
طعام ایدر مش.

حتی « طباعت کبی واسطه انتشار معرفت اولان بر صنعت جلیله نیک
رواج بولدیغی بردورده عالم وجوده کایشیم بختبار لغمک الک اولکی دلیلی در.»
قولله معارف بورلکنی اعلان الیش؛ و مطبعه جیلری ویرکودن و تکالیف
سائره دولندن استمنا ایتدیر.

طاعون

حقانده معلومات طبییه و تاریخیه

لسانمزده یمورجق دیدیکمز طاعون که (وبا) ایله دخی مسمادر؛
فوق الغایه مدھش و ساری در.
علت مذکوره تماس و هوا ایله دخی سرایت ایلدیکندن، بر طرفده
ظهور ایلدیکی حالده بر چوق آدمک آکا گرفتار و بناء علیه متعازم دار.
القرار اوله لوی مختم در.
وبا اکثریا قاصیقار ایله قولتق آلتارنده ایریجه قبارجق حالنده باش
کوستردیکندن، لسان عثمانیده یمورجق اطلاق مسمانی حقیقه تعریف ایدر.